

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. मुख्यमंत्री उमर अब्दुल्ला होरें बिजली दी कटौती पूरी चाल्ली तरीके कन्नै ते पारदर्शी ढंगै नै कीते जाने पर जोर दित्ता तां जे बिजन शङ्खल कओती कारण आम जनता गी परेशानी नेई झल्लनी पवै।
2. प्रधानमंत्री नरेन्द्र मोदी होरें भरोसा जताया ऐ जे कुवैत दी मजूदा अध्यक्षता च खाड़ी सैहयोग परिषद ते भारत बश्कार साथ सैहयोग बधोग।
3. किश्तवाड़ जिले च पेश आए दे इक शिड़क हादसे च दऊं जनें दी मौत ते 14 जख्मी।
4. उपमुख्यमंत्री होरें कडुआ जिले च उद्योगिक इकाइएँ दा दौरा लाया ते उद्योगे—कारखाने च मकामी हुनरमंद नोजवाने गी तरजीह देने पर जोर भरेआ।

<><><><><><>

Omar Abdulla

मुख्यमंत्री उमर अब्दुल्ला होरें बिजली विकास विभाग गी बिजली दी कटौती च कमी करने लेई आखेआ ऐ। कल जम्मू दे सिविल सचिवालय च बिजली विकास विभाग कन्नै लग्गी दी इक मीटिंग दौरान उमर अब्दुल्ला होरें मुतलका विभाग आसेआ ठंडू दे मौसम लेई कीती दियें तैयारियेंद दा जायजा लैता। मीटिंग च बिजली दी सप्लाई सरबन्धी चुनौतियें बिजली दी कटौती आहले कार्यक्रमें, राजस्व ते बड़ी मती ठंडू दौरान बिजली क्षेत्र दे कम्में—कारवाइएँ च सुधार करने सरबन्धी मुद्दे उप्पर तफसलील चर्चा कीती गई। मुख्यमंत्री होरें इस दौरान बक्ख—बक्ख कम्में ते परियोजनाएँ दे ठोस ते माली प्रगति दा जायजा लैता। इस दौरान केंद्र प्रायोजित स्कीमें ते प्रधानमंत्री हुंदे विकास पैकेज दा बी जायजा लैता गेआ।

<><><><><><>

PM Modi

प्रधानमंत्री नरेन्द्र मोदी होरें भरोसा जताया ऐ जे कुवैत दी मजूदा अध्यक्षता च खाड़ी सैहयोग परिषद जीसीसी ते भारत बश्कार साथ सैहयोग बधोग। कुवैत दे विदेश मंत्री अब्दुल्ला अली अल याहया होरें कल दिल्ली च प्रधानमंत्री मोदी हुंदे नै मलाटी कीती जिस दरान दौनें नेताएँ बपार, ऊर्जा, रासपूँजी, संस्कृति, प्रौद्योगिकी ते

दौनें मुल्लखें दे लोकें—लोकें बश्कार सरबंघें गी मजबूत बनाने ते बक्ख—बक्ख क्षेत्रें च साथ सैहयोग बधाने दे उपाएं बारे चर्चा कीती। मोदी होरें कुवैत च रवा करदे 10 लक्ख भारतीयें दी पूरी पराती दिक्खभाल लेई कुवैत सरकार दा आभार प्रगट कीता। दौनें नेताएं पच्छिम एशिया दी स्थिति पर बी सोच बचार कीता ते इलाके च रमानदारी, सुरक्षा ते स्थिरता ब्हाल कीते जाने दा समर्थन कीता।

<><><><><><>

Accident

किश्तवाड़ जिले दे डंगदूर इलाके च कल इक गड्डी शिड़के शा रूलकियै हेठ इक छूह्गी खड्डै च जाई डिगी जिस करी 2 लोकें दी मौत ते 14 जनें जख्मी होई गे। हादसे दे तुरत मगरा मकामी लोकें ते पुलस नै बचाह अभियान शुरू करी दित्ता हादसे च 2 लोकें दी मौके पर गै मौत होई गई ते जख्मी होए दे 14एं जनें गी अस्पताल च दाखल करोआया गेआ ऐ। केन्द्री मंत्री डॉ. जितेन्द्र सिंह होरें किश्तवाड़ दे डिप्टी कमीशनर हुंदे नै इस हादसे बारे गल्लबात कीती ते एह्दे पर दुख जताया।

<><><><><><>

Udhampur Painting

उधमपुर दे बसनीक अरूण शर्मा आस्सेआ तैआर बसोहली चित्रकारी दे नमूनें गी हाल च गै श्रीनगर च लोआए गेदे “वर्ल्ड क्राफ्ट काउंसल” दी प्रदर्शनी च बड़ा मता पसिंद कीता गेआ ऐ। उपराज्याल मनोज सिन्हा होरें उनेंगी उंदी निष्ठा ते कला दे प्रति समर्पण भावना ते बसोहली चित्रकारी दी परम्परा गी बढ़ावा देने लेई सम्मानत बी कीता ऐ। कलाकार नै हौंसला इफजाई लेई सरकार दा आभार प्रगट कीता ऐ ते आखेआ जे इस चाल्ली दे होर आयोजनें राएं इस कला गी दूरै दूरै तगर पंछान थ्होग। इस बारे आकाशवाणी कन्नै गल्ल करदे हहोई अरूण शर्मा नै आखेआ.

<><><><><><>

RNU Raising Day

आकाशवाणी दा क्षेत्रीय समाचार एकांश जम्मू कल 6 दिसम्बर गी अपना 54मां स्थापना दिवस मनाने जा’रदा ऐ। इस सिलसिले च एकांश आसेआ केई सारे कार्यक्रमें दा आयोजन कीता जा करदा ऐ। स्थापना दिवस आले रोज यानि कल बड्डलै साङ्गे 9 बजे, 30एं मिटें दा इक विशेष कार्यक्रम प्रसारत कीता जाह्ग जेह्दे च क्षेत्रीय समाचार एकांश दी भूमका, जिम्मेवारिएं ते कम्म करने दे तौर—तरीकें दे अलावा, इत्थे कम्म करी चुके दे अधिकारिएं कन्नै गल्लबात बी शामिल होग। एह्दे अलावा कल संझा 7 बजे बी 15एं मिटें दा इक विशेष कार्यक्रम प्रसारत कीता जाह्ग जेड़ा इस मौके पर स्हाड़े श्रोताएं ते जम्मू—कश्मीर दिएं नामवर हस्तिएं आसेआ भेजी जा’रदिएं

शुभकामनाएं पर आधारित होग। नामवर हस्ती ते केई राष्ट्री ते अंतर्राष्ट्री पुरस्कारें कन्नै सम्मानित गायिका सीमा अनिल सहगल होरें आकाशवाणी दे क्षेत्रीय समाचार एकांश दे स्थापना दिवस पर अपना बधाई संदेश भेजेआ ऐ। उंदा आखना ऐ। दृ

अपने कर्मिं दी हौसला-अफजाई लेई, ऐकती स्थापना दिवस दे मौके पर उनें'गी सम्मानित बी कीता जाहग जिंदे च 2024 ब'रे दे बेहतरीन समाचार सम्पादक, डोगरी ते गोजरी दे बेहतरीन समाचार वाचक ते अनुवादक, बेहतरीन जिला संवाददाता ते जनरल स्टाफ श्रेणी च बेहतरीन कर्मी दे सम्मान शामिल न। इस मौके पर 2024 आले लोकसभा ते विधानसभा चुनाएं दरान आकाशवाणी दे विशेष कार्यक्रमें लेई सैद्योग ते जोगदान देने आहलें गी बी सम्मानित कीता जाहग। सूचना विभाग दे साबका अधिकारी ते जम्मू-कश्मीर दे वरिष्ठ पत्रकार ओ.पी. शर्मा होरें बी इस सिलसिले च अपनियां शुभकामनां भेजियां न।

<><><><><><>

Arrest OGW

डोडा जिले च जन सुरक्षा कनून पीएसए दे तैहत् आतंकवादी गुट लेई कम्म करने आले इक ओवर ग्राउंड वर्कर गी गिरफ्तार कीता ऐ। भगवाह तैहसील दा रौहने आला मोहम्मद इरफान नां दा एह ओवर ग्राउंड वर्कर गैर कनूनी गतिविधिं च मुलव्वस हा ते पाकिस्तान च बैठे दे अपने आकाएं दे आखने पर जिले च आतंकवाद दी अगग फही भड़काने दी कोशश करा करदा हा। खित्ते च शांति ते सुरक्षा बरकरार रखने लेई उसी हिरासत च लैता गेआ हा।

<><><><><><>

Dy. CM-Kathua

उपमुख्यमंत्री सुरिन्दर कुमार चौधरी होरें कल कडुआ इंडस्ट्रियल एस्टेट दा व्यापक दौरा लाया ते बक्ख-बक्ख उद्योगें, कारखानें ते उद्योगिक इकाइं दी स्थिति ते कारकरदगी दा जायजा लैता। उपमुख्यमंत्री होरें इस मौके हर उद्योगिक इकाई आस्सेआ मनुक्खी वसीलें, पर्यावरण प्रति जिम्मेदारी ते होरने नियमें कायदे दी सख्ती नै पालमा कीते जाने दी जरूरतै पर जोर भरेआ। उनें आखेआ जे पर जोर भरेआ। उनें आखेआ जे पर्यावरण गी लेइयै उद्योग कारखानें लेई तैह दिशा निर्देशों दी पालमा कीती जा ते कन्नै उद्योगें च रोजगार देने लेई मकामी हुनरमंद अबादी गी तरजीह देने लेई तैह प्रतिशत गी बी बनाई रखेआ जा। उनें सिडको उद्योगिक परिसर दा बी दौरा लाया, एसिस्टेंट लेबर कमीशनर दे दफतर बी गे ते उंदे कन्नै गल्लबात करियै उंदे मुद्दे मसलें गी सुनेआ ते उंदे तौले ते पैहल दी बिनाह पर नबेड़े दा जकीन बी दोआया।

<><><><><><>

Mushroom

करसानें दी ओंदन बधाने दे लक्ष्य गी लेइयै उनेंगी रिवायती राई—बाई दे इलावा एहदे नै जुड़े दे होरने क्षेत्रें च दिलचस्पी बधाने दे लक्ष्य कन्नै कल उधमपुर जिले दे भारैर पालकें ते खुम्बें दी काश्त करने आले 6. करसानें दे इक दल गी स्कास्ट जम्मू दे दोरे पर भेजेआ गेआ, मुख्ख राई—बाई अफसर संजय आनंद ते उधमपुर पच्छम थमां विधायक पवन कुमार होरें इनें करसानें गी झंडी दस्सियै रवाना कीता। संजय आनंद होरें करसानें गी हर नमीं तकनीक बारे जानकार बनाने ते सिखलाई देइयै उनेंगी मता सक्षम बनाने दे राइ—बाई मैहकमे दे धेइयै गी पक्का कीता। विधायक पवन कुमार होरें साढ़े जिला संवाददाता अचिन दूबे कन्नै गल्ल करदे होई आखेआ.

<><><><><><>

CS-Revenue Meeting

मुख्ख सचिव अटल डुल्लू होरें कल जम्मू च मैहकमा मान दे अधिकारिएं कन्नै इक बैठक लाइयै जिमिएं दे रिकार्डें दे डिजीटलीकरण दे कम्में दी प्रगति ते रफ्तार दा जायजा लैता। बैठका च होरने दे इलावा मैहकमा माल दे माली कमीशनर, वित्त विभाग दे प्रधान सचिव, जम्मूउे डिवीजनल कमीशनर, रेवेन्यू सचिव, सर्वे ते जिमीं रिकार्ड सरबंधी निदेशक दे सरबंधी होर दुए अफसर बी मजूद हे, जिसलै जे कश्मीर दे डिवीजनरल कमीशनर ते बक्ख—बक्खजिलें दे डिप्टी कमीशनरें च वीडियो कांफ्रेंसिंग राएं बैठकां च शिरकत कीती। मुख्ख सचिव होरें जोर देइयै आखेआ जे जिमीं रिकार्डें दे डिजीटलीकरण दा कम्म तोले मुकम्मल कीता जा तां जे तोले तौले इस रिकार्ड गी जियो रिकार्ड आले नक्शे पर उपलब्ध कराया जाई सकै जेहूदे नै कोई बी घर बैठे दे अपनी जिमीं दी स्थिति दे बारे च तानकारी हासल करी सकदा ऐ। उनें जिमीं रिकार्डें दी सटीकता दी जांच लेई विशेष टीमां गठित करने लेई आखेआ तां जे जित्थें कुदरै बी कोई त्रुटि रेही गेदी होए उसी दूर कीता जाई सकै।

<><><><><><>